



Republika e Kosovës
Komuna e Drenasit (Glllogoc)
Kuvendi i Komunës

02 Nr. 400/03-19789 dt. 29/05/ 2025



Bazuar në nenin 11, 12 dhe 40 të Ligjit mbi Vetëqeverisjen Lokale Nr.03/L-040, nenit 34 pika 34.6 të Statutit të Komunës së Drenasit ("Gaz. Zyrt. e Republikës së Kosovës") dhe Rregullores Nr. 02 Nr.400/03-62198. Kuvendi i Komunës së Drenasit (Glllogoc) në mbledhjen e rregullt të mbajtur me datë: 29.05.2025, miratoi këtë:

RREGULLORE PËR PLOTËSIM NDRYSHIMIN E RREGULLORES PËR TAKSA, TARIFA, NGARKESA DHE GJOBA

Neni 1

Me këtë rregullore, miratohet Plotësim ndryshimi i Rregullores Nr. 02 Nr.400/03-62198 të dt. 28.12.2023.

Neni 2

Shtohet tek Neni 24 paragrafi – 1.5.1 Inspektori i mjedisit konstaton shkelje të nenit 14 të Rregullores Nr. 02 Nr.400/03-62198 përkatësisht shqipton masa ndëshkuese kur subjekti apo personi fizik ka kontratë me kompani të licencuar për largimin e mbeturinave (Posedon kontejnere) por shfrytëzon kontejnerët komunal apo kontejner të personave tjerë për hedhje të mbeturinave.

Shtohet tek Neni 24 paragrafi – 1.5.2. Inspektori i mjedisit merr masa ndëshkuese nëse konsaton se nuk është kryer shërbimi për largimin e mbeturinave sipas intenerarit (Orarit) të caktuar nga komuna për kompaninë e licencuar për largimin e mbeturinave.

Shtohet tek Neni 24 paragrafi – 1.9.1. Inspektori i Shërbimeve Publike merr masa nëse: Dëmtohen Objektet komunale – publike apo bënë ndërhyrje pa pëlqim të organeve kompetente tek: a). rrjeti i tërësishëm i ujësjellësit dhe bënë ndërhyrje apo mbyll kanalet atmosferike, b). rrugët dhe trotualet, c). sheshet, ç). hapësirat për parking, d). sipërfaqet publike të gjelbërta, dh). pajisjet për ndriçim publik; e). tabelat për shpallje, ë). panot ndriçuese, reklamat, f) largon apo dëmton kapakët e pusetave, dhe të gjitha objektet tjera të cilat, sipas destinimit që kanë, mund të konsiderohen objekte komunale. Në raste se personi fizik, personi përgjegjes i personit juridik apo personi juridik i cili nuk respekton urdhëresën e inspektorëve, atëherë do të mirren masa sipas rregullores në fuqi.

Shtohet tek Neni 24 paragrafi 1.9.2. Inspektori i Shërbimeve Publike bënë mbikqyrjen e hapësirave publike të cilat shfrytëzohen me anë të terasave të hapura dhe të mbyllura, mbikqyrë kontratat e shfrytëzimit të hapësirave publike më pak se një (1) vitë dhe të tjera, ku merr masa për

shfrytëzimin e hapësirave publike të cilat shfrytëzohen pa leje të organeve kompetente që shfrytëzohen nga personat Juridik, personat përgjegjës të personave juridik dhe personave fizik.

Shtohet tek Neni 24 paragrafi 1.9.3. Inspektori I Shërbimeve Publike merr masa nëse: Kryesi i punëve (personat juridikë, personat përgjegjës të personave juridik dhe personat fizikë), menjëherë pas kryerjes së punëve, në afatin të cilin e ka caktuar organi kompetent me rastin e dhënies së lejes për të punuar apo për kyqje janë të obliguar që materiali i tepërt të mënjanohet nga rrugët, trotualet, sipërfaqet publike dhe terrenin ta kthejnë në gjendjen e mëparshme. Në rast se nuk respekton urdhëresën e Inspektorëve, inspektorët do të marrin masa sipas rregullores në fuqi.

Shtohet tek Neni 24 paragrafi 1.9.4. Inspektori i shërbimeve Publike merr masa nëse: Ndërmarrjes të cilës i janë besuar punët e mirëmbajtjes së hapësirë publike – gjelbërimet është e obliguar: a) t'i largojë menjëherë degët e dëmtuara nga kushtet natyrore atmosferike ose nga shkaktar të tjerë, b) të largojë barin e kositur dhe materialin e mbetur në sipërfaqet e gjelbërta publike.

Shtohet tek Neni 24 paragrafi 1.9.5. Inspektori i Shërbimeve Publike merr masa nëse në sipërfaqet e gjelbërta publike bëhet: a) vozitja dhe parkimi i automjeteve (i të gjitha llojeve), si dhe shkarkimi dhe deponimi i çfarëdo materiali në këto sipërfaqe; b) largimi, djegia, dëmtimi i shenjave dhe mbishkrimeve të vendosura me qëllim të mbajtjes së rendit; c) shtrirja dhe qëndrimi nëpër sipërfaqe të gjelbërta, lëvizja jashtë rrugicave të shënuara për këmbësorë; d) rrëmihja për çfarëdo destinimi, pa u pajisur me leje nga organi kompetent; e) keqpërdorimi i ujit në fontana (hyrja në to, larja e personave dhe gjësendeve, turbullimi i ujit); f) vendosja e materialeve ndërtimore apo çfarëdo materiali tjetër statik (vazo, tavolina, mjete të ndryshme) në trotuar, rrugë, hapësira gjelbëruese, parkingje etj.

Shtohet tek Neni 24 paragrafi 1.10.1. Inspektori I mjedisit përkatësisht shqipton masa ndëshkuese kur subjekti apo personi fizike ka kontratë me kompani të licencuar për largimin e mbeturinave (Posedon kontenjerë) por shfrytëzon kontenjerët komunal apo kontenjer të personave tjerë për hedhje të mbeturinave.

Po ashtu tek Neni 24 pas paragrafit në fund 1.32. shtohen këto paragrafe:

1.33. Inspektori i Komunikacionit merr masa nëse: Bëhet dëmtimi i shenjave të komunikacionit, vendosja e policëve të shtrirë në rrugë pa pëlqimin e organeve kompetente, dëmtimi i shenjave të emërtimit të rrugëve apo largimi i tyre si dhe dëmtimi/largimi i pahive të rrugës.

1.34 Inspektori I mjedisit merr masa ndëshkuese nëse konsaton se nuk është respektuar leja mjedisore komunale nga subjekti apo personi juridike që e posedon lejen mjedisore komunale apo nuk pajiset me leje mjedisore komunale pas urdhëresës së dhënë nga inspektorët.

1.35 Inspektori I mjedisit merr masa ndëshkuese nëse kompania e kontraktuar për mirëmbajtje të kanalizimeve nga organi kompetent nuk i përmbahet kontratës.

1.36. Inspektori i Tokës Bujqësore merr masa : Nëse gjatë inspektimit në teren vëren shtrirje të zhavorit (materialit të forte) në tokën bujqësore.

1.37. Inspektoret për punët në leminë e tyre shqiptojnë gjobë mandatore nëse pala brenda afatit të dhënë nga inspektori nuk e respekton urdhëresën e dhënë nga inspektorët dhe nuk prezanton dokumentacionin e kërkuar .

1.38. Inspektoret për punët në leminë e tyre marrin masa nëse: Personat juridikë, personat përgjegjës të personave juridik dhe personat fizikë, në vendëpunishte nuk kanë të vendosur mbishkrimin e kontraktuesit në vendëpunishte, shenjëzimin e rrezikut dhe rrethojën.

1.39. Inspektorët në lëmi të ndryshme mund të marrin masa nëse pala nuk është pajisur me dokumentacion brenda afatit të dhënë dhe inspektori nxjerr vendimin që brenda 8 dite të bëhet përmirësimi apo kthimi i gjendjes në atë të mëparshme .

1.40. Inspektori merr masa edhe pas orarit të punës apo gjatë vikendeve të përcaktuara nga eprori si orar i kujdestarisë në të cilat vërehen parregullësi në të gjitha sektorët e Drejtorisë së Inspektionit.

Neni 3

Kjo rregullore hynë në fuqi 15 ditë nga dita e regjistrimit dhe vlerësimit të ligjshmërisë nga MAPL-ja, si dhe 7 ditë nga publikimi në Ueb faqen zyrtare të Komunës.

Kryesuesi i Kuvendit të Komunës



Bekim Lestrani

Vendimi i dërgohet:

- Zyrës së Kryetarit
- Drejtorisë Përkatesë;
- Zyrës së Kuvendit;
- Arkivit

ARSYETIM


Pas hyrjes në fuqi të Rregullores Nr. 02 Nr.400/03-62198 dt.28.12.2023, neni 24 ka nevojë për disa paragrafe shtesë që Inspektorët komunal të marrin masa e duhura sipas pikave të përmendura më lart, pasi në teren hasin problematika të shumta të këtyre natyrave. Këto ndryshime nuk kanë qenë të përfshira në rregulloren e lartëcekur andaj, kërkohet nga ana e kryetarit të komunës që të bëjë Plotësim ndryshimin e Rregullores Nr. 02 Nr.400/03-62198 të dt. 28.12.2023.

Kuvendi i Komunës së Glllogocit në mbledhjen e mbajtur me datë 28.03.2025, ka miratuar Vendimin 02 Nr. 400/03-11633 për ndryshim plotësimin e Rregullores për taksa, tarifa, ngarkesa dhe gjoba.

Vendimi 02 Nr. 400/03-11633 për ndryshim plotësimin e Rregullores për taksa, tarifa, ngarkesa dhe gjoba, është në kundërshtim me legjislacionin në fuqi, përkatësisht me Rregulloren (MAPL) Nr. 02/2021 për procedurën e hartimit dhe publikimin e akteve të komunës.

Neni 12 i Rregullores (MAPL) Nr. 02/2021 për procedurën e hartimit dhe publikimin e akteve të komunës përcakton se “plotësim ndryshimi i një akti normativ të komunës bëhet me akt të njëjtë duke respektuar procedurat ligjore”, andaj plotësim ndryshimi i Rregullores për taksa, tarifa, ngarkesa dhe gjoba të Komunës së Glllogocit nuk mund të bëhet me Vendim, por duhet të bëhet Rregullore për plotësim ndryshimin e Rregullores për taksa, tarifa, ngarkesa dhe gjoba të Komunës së Glllogocit.

Andaj Kuvendi i Komunës së Glllogocit ka ndërmarrë veprimet e nevojshme në përputhje me kërkesën e Ministrisë së Administrimit të Pushtetit Lokal, duke korrigjuar pjesën hyrëse të aktit ashtu siç është rekomanduar. Pjesa tjetër e dokumentit ka mbetur e pandryshuar, në pajtim të plotë me vlerësimin dhe udhëzimet e dhëna nga MAPL.



Republika e Kosovës
Republika Kosova - Republic of Kosovo
Qeveria - Vlada - Government
Ministria e Administrimit të Pushtetit Lokal
Ministarstvo Administracije Lokalne Samouprave
Ministry of Local Government Administration

Për :	Ramiz Lladrovci, Kryetar i Komunës së Glllogocit Bekim Lestrani, Kryesues i Kuvendit të Komunës së Glllogocit	
Kopje:	Njësia për Administrimin e Dokumenteve në MAPL Njësia për Administrimin e Dokumenteve në Komunë Sekretari i Përgjithshëm i MMPHI-së	
Nga:	Jeton Qela, Sekretar i Përgjithshëm në MAPL	Datë: 11.07.2025
Zyrtarët përgjegjës:	Erbllin Hetemi, Udhëheqës i Departamentit Ligjor 1. Zyrtari përgjegjës për përcjelljen e aktit të Komunës 2. Zyrtari përgjegjës për hartimin e shkresës përcjellëse	VI-43-835/15
Lënda:	Xhevat Tafa, Udhëheqës i Divizionit për Shqyrtimin e Ligjshmërisë së Akteve të Kuvendeve Komunale dhe Akteve të Kryetarit Vjosa Ahmetaj, Zyrtare e Lartë për Shqyrtimin e Ligjshmërisë së Akteve të Komunës	
Lënda:	Raporti i vlerësimit të ligjshmërisë së aktit të Komunës së Glllogocit	
Lloji i aktit:	Rregullore	

I nderuar Kryetar,
I nderuar Kryesues,

Ministria e Pushtetit Lokal, ka pranuar Rregulloren 02 Nr. 400/01-19789 për plotësim ndryshimin e Rregullores për taksa, tarifa, ngarkesa dhe gjoba, e miratuar nga Kuvendi i Komunës së Glllogocit, dhe i nënshkruar nga Kryesuesi i Kuvendit të Komunës së Glllogocit, me qellim të shqyrtimit të detyrueshëm të ligjshmërisë, ashtu siç parashihet me nenin 81 të Ligjit Nr. 03/L-040 për Vetëqeverisje Lokale.

Duke u bazuar në nenin 3, të Rregullores (QRK) Nr.06/2021 për ndryshimin dhe plotësimin e Rregullores (QRK) Nr. 10/2019 për shqyrtimin administrativ të akteve të komunave, aktin e lartshënuar e kemi dërguar në Ministri të Linjës.

Bashkangjitur gjeni vlerësimin e Ministrisë së Mjedisit Planifikimit Hapësinor dhe Infrastrukturës.

Vjosa Ahmetaj

From: Shendrita Latifi
Sent: Friday, July 11, 2025 9:44 AM
To: Vjosa Ahmetaj
Cc: Florije Kika; Xhevat Tafa; Erblin Hetemi
Subject: VL113-25 Glllogoc rregullore
Attachments: VL113-25 Glllogoc rregullore.docx

E nderuar,
Ju lutem gjeni të bashkëngjitur dokumenin me komente nga Departamenti Profesional në lidhje me Rregulloren 02 Nr. 400/01-19789 për plotësim ndryshimin e Rregullores për taksa, tarifa, ngarkesa dhe gjoha, miratuar nga Kuvendi Komunal Glllogocit, datë 29.05.2025.

Me respekt,

Shendrita Latifi

Departamenti Ligjor, Divizioni për Mbikëqyrjen e Zbatimit të Legjislacionit të Mbështetjes Ligjore dhe të Bashkëpunimit Ndërinstitucional në Fushën e Legjislacionit
Ministria e Mjedisit, Planifikimit Hapësinor dhe Infrastrukturës
Zyrtare e Lartë Ligjore

Tel +381(0) 38 200 74 053

E-mail: shendrita.latifi@rks-gov.net

Web: www.mmph.rks-gov.net

Pallati i Mediave "ish-Rilindja" / Kati i 16
10000 Prishtinë, Kosovë

Rregullorja 02 Nr. 400/01-19789 për plotësim ndryshimin e Rregullores për taksa, tarifa, ngarkesa dhe gjoba, miratuar nga Kuvendi Komunal Glllogocit, datë 29.05.2025

Ministria e Mjedisit, Planifikimit Hapësinor dhe Infrastrukturës (MMPHI), në pajtim me nenin 9 paragrafi 3 të Ligjit Nr. 08/L-284 për Shqyrtimin Administrativ të Akteve të Komunave dhe Rregullores (QRK) Nr.10/2019 për Shqyrtimin Administrativ të Akteve të Komunave e ndryshuar dhe plotësuar me Rregulloren (QRK) Nr. 06/2021 për Ndryshimin dhe Plotësimin e Rregullores (QRK) Nr.10/2019 për Shqyrtimin Administrativ të Akteve të Komunave, me datë 02.06.2025 ka pranuar nga Ministria e Administrimit të Pushtetit Lokal (MAPL), Rregulloren 02 Nr. 400/01-19789 për plotësim ndryshimin e Rregullores për taksa, tarifa, ngarkesa dhe gjoba, miratuar nga Kuvendi Komunal Glllogocit, datë 29.05.2025.

MMPHI pas shqyrtimit të ligjshmërisë së aktit në fjalë, dhe në pajtim me nenin 8, 9 dhe 10 të Ligjit Nr. 08/L-284 për Shqyrtimin Administrativ të Akteve të Komunave konstaton:

Fusha e Mjedisit

Bazuar në Ligji Nr. 04/L-060 për Mbeturina i Ndryshuar dhe plotësuar me Ligjin Nr. 08/L-071 për Ndryshimin dhe Plotësimin e Ligjit Nr.04/L-060 për Mbeturina, sa i përket mendimit profesional lidhur me ngritjen e tarifave, nuk kemi komente, pasi dispozitat e Ligjit për mbeturinat nuk përcaktojnë vlerën e tarifës apo ngritjen e saj. Mirëpo, këtë të drejtë dhe kompetencë për të kalkuluar dhe përcaktuar tarifën e shërbimit publik për grumbullimin e mbeturinave e kanë komunat, dhe si proces i tillë MMPHI nuk ndërhyr në këtë çështje.